

FLANDRIA TEVTONICA.

Cadſand.

Ad latus oppidi, quod Septentrionem adſpicit, poſita eſt inſula, *Cadſand* vulgo dicta, olim quidem major & celebrior quam hodie, quum & urbem haberet, & complures pagos peramœnos & frequentes: nunc dimidia parte minor; ſed magni momenti noſtris, ad Sluſam contra hoſtium molitiones defendendam: unde & validis operibus, qua hoſtiles terras reſpicit, teſta eſt, & aliquot munitiones inter æſtuaria excita-

Ardenburgum.

Ardenburgum oppidum antiquum & quondam Flandriæ littoralis, quum Brugæ nondum conditæ eſſent, metropolis. Hodie exiguum eſt oppidum & deforme. Templum habet Deiparæ Virgini ſacrum, quo nullum pulchrius neque ſumtuſius Flandria olim videbat; hodie tantum parietes, & marmoreæ columnæ, duæque turres ſuperſunt. In Federatorum Ordinum poteſtatem venit anno 1604, menſe Majo, à quibus egregie fuit munitum: diſtat Sluſa milli-

Middelburgum.

liare unum. *Middelburgum* Ardenburgo vicinum, & tantum duobus milliariis cum dimidio diſtans à Brugis: quod eodem tempore à Principe Mauritio captum cum arce ſua, ſed invalida. Oppidum hoc tantum mœnibus & ſoſſa cinctum eſt, neque magni momenti. *Yſendyckium* amplum & validum munimentum, in angulo duorum concurrentium aggerum ſitum, & tantum freto à Birſeto diviſum, è regione Zelandiæ: quod Princeps Mauritius anno 1604, licet ſexcentorum militum præſidio teneretur, & omni bellico apparatu, præſertim maioribus machinis eſſet inſtructum, octidui ſpatio ita compeſcuit, ut deditione illud acciperet. Poſtea à Federatis Ordinibus ampli-
tum fuit, ut jam inſtar oppidi ſit, & tot tantisque operibus permunitum, ut hoſtem minime metuat. Portum habet commodum, altum, & multarum

Yſendyckium.

navium capacem, ita ut commerciis ſit aptiſſimum, & in emporium forte aliquando evadere poſſit. Sunt præterea in hoc tractu quam plurimæ munitiones, partim hoſtibus ereptæ, partim à noſtris exſtructæ. Philippina è regione Axellæ, ad aggeris cubitum, qui continentem prætexit, ſita & operibus valida. *Patientia*, inter Philippinam & Iſendicum è tranſverſo Birſletum reſpiciens, oræ continentis incumbens. S. Philippi & Catharinæ munitiones aggeri, qui inter Sluſas & Iſendicum jacet, impositæ, quas Princeps Mauritius anno 1604, quum Sluſæ obſidium moliretur, nullo pene negotio cepit, hoſte ultro ob nocturnum terrorem dilapſo. Ab altera parte Flandriæ Orientalis, qua occidentali contermina eſt, *Neoportus* viſitur, Ooſtenda tribus milliariis diſtans, oppidulum lautum, ac valida ſatis, eſſi exigua, arce munitum, quin & portus ejus ſat commodus, ideoque à mercatoribus frequentatus. Oriundus ex hac urbe fuit ludocus Clichtovæus, Literator, Theologus, & Mathematicus celeberrimus. Sæſquimillari à Neoportu Duynkerkam petentibus occurrit in ipsis tumulis arenariis nobiliſſimum & pulcherrimum illud cœnobium ordinis D. Bernardi, quod vulgo vocant *Ten Duyn*. *Dixmuda* tribus milliariis diſtat Neoportu, Aldenburgo, & Roſſelaria, lautum & peramœnum oppidulum, frequentatum quotannis Julio menſe ob inſignem mercatum equorum, & anniverſarias etiam aliarum mercium nundinas.

Propugnacula.

Neoportus.

Dixmuda.

Àër regionis eſt temperatiſſimus, tritici non uſque adeo ferax, at ſecale, avena, fabæ, piſa, viciæ, ſagopyrum, vulgo *Boeckweyt*, linum denique & canabis, item varia optimorum fructuum genera feliciffime iſtic & copioſe prove-

